



Pou Piblikasyon Imedya: 20/04/2023

GOUVÈNÈ KATHY HOCHUL

## GOUVÈNÈ HOCHUL ANONSE GWO ETAP POU FÈ AVANSE ENFRASTRIKTI POU VEYIKIL ELEKTRIK MWAYEN AK LOU YO

***Swiv direktiv diskou Gouvènè a sou Sityasyon Eta a an 2023 pou elimine obstak yo pou devlopman veyikil elektrik***

***Mete aksan sou angajman pou redui emisyon transpò ki reprezante apeprè 30 poustan nan emisyon gaz a efè sè nan eta a***

Nan selebrasyon Semèn Latè a, Gouvènè Kathy Hochul te anonse jodi a ke Komisyon Sèvis Piblik (Public Service Commission, PSC) Eta New York la te kòmanse yon pwosedi pou aplike règleman ak devlope pwogram ki gen rapò ak enfrastrikti ak planifikasyon rechaj veyikil elektrik mwayen ak lou yo. Pwosedi a ap kòmanse tou pwosesis pou envestisman pwoaktif nan enfrastrikti sèvis piblik ki nesesè pou sèvi elektrifikasiyon transpò yo. Anplis de sa, inisyativ la pral prioyize envestisman enfrastrikti rechaj veyikil mwayen ak lou yo nan kominote ki defavorize yo.

"Li enpòtan pou nou envesti nan enfrastrikti ki bay sipò pou gen plis veyikil elektrik nan lari atravè New York epi redwi emisyon danjere veyikil yo", **Gouvènè Hochul te deklare.** "Avèk desizyon PSC jodi a, n ap ankouraje inovasyon ak fè avanse objektif klimatik nasyonal nou yo nan rann li pi fasil pou Nouyòkè yo ak biznis yo vin elektrik".

Aksyon Komisyon Sèvis Piblik la suiv direktiv diskou sou Sityasyon Eta Gouvènè Hochul 2023 a pou idantifye ak elimine obstak ki genyen nan deplwaye enfrastrikti rechaj pou veyikil mwayen ak lou yo.

Baze sou envestisman nasyonal New York nan pwogram sèvis piblik yo, ki bay yon total plis pase 1 milya dola, ki sipòt elektrifikasiyon transpò, Gouvènè Hochul te mande Depatman Sèvis Piblik (Department of Public Service, DPS) pou yo lanse yon pwosedi ki pral idantifye epi elimine obstak yo pou gen yon deplwaman efikas ak alè enfrastrikti rechaj ki nesesè pou elektrifye veyikil mwayen ak lou New York yo. Polisyon nan veyikil sa yo te afekte kominote defavorize yo yon fason ki pa pwopòsyonèl kote kalite lè a se yon pwoblèm sante piblik, tankou Hunts Point nan Bronx kote plis pase 15,000 kamyon dyezèl opere chak jou. Nan kad pwosedi sa a, DPS pral konsidere revizyon planifikasyon enfrastrikti veyikil elektrik (electric vehicle, EV) itilitè pou ankouraje

envestisman pwoaktif nan kote ki gen gwo priyrite, espesyalman nan kominote defavorize yo ak nan zòn ki pa konfòm a Lwa sou Lè Pwòp la.

**Prezidan Komisyón Fonksyon Piblik la Rory M. Christian te deklare**, "Mwen bat bravo pou angajman Gouvènè Hochul paske li kreye yon anviwònman ki pi pwòp. PSC rekonèt enpòtans elektrifikasyon sektè transpò a pou atenn objektif klimatik Eta New York yo. Pou fè avanse objektif sa yo, PSC te aplike politik pou ankouraje devlopman enfrastrikti ak pwogram rechaj veyikil elektrik yo. Jiskaprezan, politik sa yo konsantre sitou sou veyikil elektrik pasaje lejè yo, tankou bèlin, kamyonèt, ak SUV. Pou asire yon apwòch global ki sipòte objektif dekabonizasyon yo kodifye nan Lwa sou Lidèchip Klimatik ak Pwoteksyon Kominotè (Lwa sou Klima) a, PSC ap kòmanse pwosedi sa a pou adrese bezwen elektrifikasyon sektè veyikil elektrik mwayen ak lou eta a".

Avèk desizyon PSC a, DPS, manm pèsònèl PSC a, pral devlope omwen yon liv blan pi ta ane sa a pou lanse devlopman yon pwogram mwayen ak lou ak pwosesis planifikasyon pwoaktif, ki pral sijè a avi ak kòmantè piblik, anvan aksyon potansyèl PSC. DPS pral òganize plizyè konferans teknik pandan 6 pwochen mwa yo pou jwenn opinyon pati ki konsène yo anvan yo pibliye yon liv blan.

Pandan y ap devlope pòte egzak pwosedi sa a avèk èd moun ki enterese yo, envestisman nan enfrastrikti veyikil elektrik (EV) yo pral bay kominote ki defavorize yo priyrite, tankou moun ki nan zòn ki pa konfòm a Lwa sou Lè Pwòp la ki pote yon chaj polisyon ki soti nan kamyon ak otobis yo ki pa pwopòsyonèl. Anplis de sa, pwosesis planifikasyon pwoaktif an ap asire enfrastrikti rezo a prepare pou pèmèt bezwen rechaj veyikil elektrik (EV) k ap ogmante atravè Eta New York.

Desizyon PSC jodi a baze sou aksyon Komisyón an anvan yo sou devlopman enfrastrikti ak konsepsyón tarif inovatè pou sipòte efò elektrifikasyon transpò New York yo. Sa gen ladan pwogram 701 milyon dola EV Make-Ready ki bay ankourajman pou finanse enfrastrikti rezo a ak travay kliyan ki nesesè pou fè sit yo pare pou rechaj veyikil elektrik (EV), ki gen ladan yon minimòm 206 milyon dola yo akòde pou aksè ekitab ak benefis pou kominote defavorize yo. Kounye a Depatman an ap reyalize yon revizyon sou mwatyé pakou pwogram sa a epi li te pibliye yon liv blan nan dat 1ye mas 2023 avèk yon kantite rekòmandasyon pou revizyon potansyèl ak ekspansyon pwogram sa a.

Pandan ke pwogram preparasyon an ede konpanse depans alavans nan enfrastrikti rechaj veyikil elektrik (EV) a, Komisyón an te adopte tou pouvantaj benefik ak pwogram rechaj jere pou ede bese bòdwo sèvis piblik yo pou rechaj veyikil elektrik rezidansyèl ak komèsyal yo. Pwogram rechaj jere yo bay avantaj oswa kredi bòdwo pou patisipan yo ki ka chanje rechaj yo nan moman ki pi benefik pou rezo a. Kliyan rezidansyèl yo ka enskri nan tarif tan itilizasyon volontè epi tarif integrasyon pwogresif pou veyikil elektrik (EV Phase-In) la bay yon altènativ a tarif tradisyonal ki baze sou demann pou kliyan veyikil elektrik (EV) komèsyal yo. Tarif integrasyon pwogresif veyikil elektrik la fèt pou redwi enpak frè demann yo sou depans fonksyònman pou estasyon rechaj veyikil elektrik (EV) yo lè li kòmanse ak yon tarif an fonksyon dire itilizasyon lè itilizasyon an ba epi nan

entegre ak frè demann lan pandan itilizasyon estasyon an ap ogmante. Sèvis publik yo oblige depoze tarif yo pwopozé pou tarif entegrasyon pwogresif veyikil elektrik nan mwa jiyè epi yo nan pwosesis pou mete an aplikasyon yon rabè 50 pousan frè demann ki pral antre anvigè nan yon delè ki pi rapid epi k ap rete anvigè jiskaske tarif entegrasyon pwogresif veyikil elektrik la disponib. Pousantaj tarif entegrasyon pwogresif veyikil elektrik la sipoze mennen nan depans elektrisite ki omwen 30 pousan mwen chè pase depans ekivalan pou gazolin, lè nou sèvi avèk pri jodi a.

### **Plan Klimatik Nasional Eta New York la**

Ajanda klimatik Eta New York la k ap mennen nan nasyon an fè apèl ak yon tranzisyon ki kòrèk epi ki jis ki kreye travay ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 pousan, avèk yon objektif 40 pousan, nan avantaj envestisman enèji pwòp yo ale nan kominote defavorize yo. Gide pa kèk nan inisyativ klimatik ak enèji pwòp ki pi agresif nan nasyon an, New York sou yon chemen pou l genyen yon sektè elektrisite zewo emisyon disi 2040, ki gen ladan pwodisyon enèji renouvlab 70 pousan disi 2030, ak netralite kabòn nan tout ekonomi an nan mitan syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.8 milya dola nan angajman NY Green Bank yo.

Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans 2,100 pousan nan sektè solè distribiye a depi 2011. Pou diminye emisyon gaz ki lakòz efè tèmik ak amelyore kalite lè a, New York te adopte tou règleman veyikil san emisyon, ki gen ladan egzije pou tout novo machin pasaje yo ak kamyon yo vann nan Eta a gen zewo emisyon disi 2035. Patenarya yo ap kontinye fè avanse aksyon klimatik New York la avèk prèske 400 Kominote Entelijan pou Klima ki anrejistre ak 100 sètifye, prèske 500 Kominote Enèji Pwòp, ak pi gwo inisyativ siveyans lè kominotè Eta a nan 10 kominote defavorize atravè eta a pou ede sible entèvansyon kont polisyon lè a ak konbat chanjman klimatik la.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)